



Lotterinemnda

Vedtak i Lotterinemnda 29. august 2018

Sak

2018/0171 Nes Menighetshus – org. nr. 976 315 189 – klage over avslag på søknad om meirverdiavgiftskompensasjon

Til stades: Leiar Elisabeth Wittemann, medlem Åse Gustavsen og medlem Ingjald Sørhøy

Bakgrunn for saka

Nes Menighetshus (klagar) søkte 31. august 2017 om kompensasjon for meirverdiavgiftskostnader for rekneskapsåret 2016.

Lotteritilsynet gjorde vedtak om å avslå søknaden 14. november 2017. Avslaget vart grunngeven med at klager har ei indirekte tilknytning til det offentlege fordi Sauherad og Nes sokneråd vel stiftinga sitt styre og legg føringar for verksemda til Nes Menighetshus. Sauherad og Nes sokneråd er organisert under Den norske kyrkja og finansiert av offentlege midlar.

Klagar klaga på avslaget 28. november 2017. Klagar meiner at grunngevinga for avslaget er feil, fordi det berre er reint praktiske årsakar som gjer at soknerådet vel styret. Klagar meiner også at denne ordninga ikkje inneber at soknerådet legg føringar for verksemda til Nes Menighetshus, og at klager difor ikkje har ein slik indirekte tilknytning til det offentlege som tilsynet har lagt til grunn for avslaget. Det vert elles vist til klagen i sin heilhet.

Lotteritilsynet har ikkje funnet grunn til å gjere om vedtaket sitt. Klagen med innstilling frå Lotteritilsynet 16. mai 2018 vart sendt til Lotterinemnda for behandling.

Det rettslege grunnlaget

Det rettslege grunnlaget er forskrift 15. april 2013 nr. 386 om merverdiavgiftskompensasjon for frivillige organisasjoner (heretter forskrifta).

I forskrifta § 5 fjerde ledd går følgende fram:

«Det gis ikke kompensasjon for merverdiavgiftskostnader i følgende virksomheter: a) virksomhet som er organisert av det offentlige og eller har en direkte eller indirekte tilknytning til det offentlige gjennom at stat, fylkeskommune eller kommune kan påvirke deler av virksomheten for eksempel

Postadresse

Postboks 511 Sentrum
5805 Bergen

Besøksadresse

Zander Kaaes gate 7
5015 Bergen

Tlf.: 55 19 30 00

E-post: post@knse.no

ved innsettelse av styremedlemmer eller har muligheter til å legge sterke føringer for virksomheten på annen måte».

Etter forvaltningslova § 34 kan klageinstansen prøve alle sider av saka og ta omsyn til nye opplysningar. Klageinstansen kan sjølv treffe nytt vedtak i saka eller oppheve det og sende saka tilbake til underinstansen til heilt eller delvis ny behandling.

Lotterinemnda si vurdering

Nes Menighetshus sin klage gjelder Lotteritilsynet sitt avslag 14. november 2017 på søknad om meirverdiavgiftskompensasjon.

Nes Menighetshus er organisert slik at styret er øvste organ, og at Sauherad og Nes sokneråd vel styremedlemmene, jf. vedtektene §§ 3 og 4. I tillegg skal minst eitt av styremedlemmene være medlem i soknerådet, og soknerådet må godkjenne endringar av vedtektene, jf. §§ 3 og 8.

Soknerådet er ein eining innafor Den norske kyrkja som etter at endringane i kyrkelova trådde i kraft 1. januar 2017, ble skild frå Staten. Forskrifta er ikkje endra etter endringane i kyrkelova. Det fylgjer av kyrkelova § 15 at kommunane er økonomisk ansvarlege for utgifter i sokna etter budsjettforslag frå kyrkjeleg fellelråd.

Lotterinemnda er ikkje samd i at Nes Menighetshus er unntatt frå ordninga med meirverdiavgiftskompensasjon etter forskrifta § 5 fjerde ledd bokstav a.

Det fylgjer direkte av forskriftas ordlyd at det er verksemd kor det offentlege kan *påverke* deler av verksemda eller har moglegheit til å *leggje sterke føringar* for verksemda, som er unntatt frå ordninga. Det er klart at sokneråda ikkje er del av det offentlege etter 1. januar 2017. Nemnda kan ikkje sjå at kommunens ansvar for finansieringa av sokneråda, inneber at det offentlege kan påverke eller leggje sterke føringar for verksemda i Nes Menighetshus – verken direkte eller indirekte. Dette gjeld sjølv om Den norske kyrkja står i ein særstilling samanlikna med andre trussamfunn i Noreg, og i praksis er fullfinansiert over offentlege budsjett. Nemnda merkar at omfanget av kommunens økonomiske ansvar etter kyrkelova § 15 er lovfesta, og at det er kyrkjeleg fellelråd som fremmer budsjettforslag.

Konklusjon

Det er ikkje høve til å gjere unntak frå ordninga om meirverdiavgiftskompensasjon for Nes Menighetshus, og Lotteritilsynets vedtak skal opphevast. Saken er ikkje tilstrekkelig opplyst til at nemnda kan treffe nytt vedtak, og vert difor sendt tilbake til Lotteritilsynet for ny behandling.

Vedtak

Lotteritilsynet sitt vedtak opphevast. Saken vert sendt tilbake til Lotteritilsynet for ny behandling